



Inatsisartunut ilaasortaq Mikissuk Thomassen,
Inuit Ataqtigiit

§ 37 naapertorlugu apeqqutip nr. 112-2022-p akineqarnera.

Asasara Mikivisuk Thomassen

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

1. Naalakkersuisut qanormita isumaqarfigaat 1960-1975 tikillugit spiralilersuisarsimaneq pillugu?

Naalakkersuisut iliuuserineqarsimasoq akuersaarsinnaanngilluinnarpaat. Akuersaarneqarsinnaanngilluinnarput inuiaqatigiittullu naleqassutsinut pingaartitatsinnut illersortariaqakkatsinnullu kalluaalluinnarmata. Iliuuserineqarsimasullu sakkortunerpaamik isornartorsiorpagut.

a. 1975-sip kingornatigut aamma spiralilersuisarsimaneq ingerlanneqartarsimava?

Naalakkersuisut 1975-ip kingorna spiralilersuisoqarsimanageranik paasissutissaateqanngillat. Suliaq sammineqalereersorlu Namminersorlutik Oqartussani suliffeqarfiit pisimasunik tamanit paasineqarnerusariaqartunik nalunaarfigineqartalerput. Siunertaqarluni iliutsit sordiaasimangersut 1975-illu kingorna suut ingerlanneqaannarsimangersut oqaatiginissaat maannakkorpiaq oqaatigiuminaapput. Tassunga atatillugu spiralinit allaanerusunut tunngasimanissaa sammineqarsinnaavortaaq, assersuutigalugu Depo-Provera siusinnerusukkut atorneqartarsimarpasippoq.

b. Spiralilersuisarneq ingerlanneqaannarsimappat taava qassit pineqarpat?

Naalakkersuisut 1975-ip kingorna qassit spiralilerneqarsimangersut maannarpiaq ilisimangilaat.

2. Naalakkersuisut tusakkat malillugit susoqarniarpa?

Naalakkersuisut Inatsisartut siunnersuutaat UPA2022/56 taperserpaat.

3. Naalakkersuisut spiralilersuisarsimaneq pillugu sulitunik aallartsitissappat?

01-05-2022
Suliap normua 2022 - 11654
All. nr. 20258267

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Naalackersuisut spiralilersuineri spiralilertitsissimasunut nuna tamakkerlugu neqeroorummik aallartitsipput. Taanna arnanut akuersiteqqaarnagit angajoqqaaviluunniit akuersiteqqaarnagit pinngitsaalillugit spiralilernerqarsimasunut allatigulluunniit naartunaveersaatilernerqarsimasunut neqeroorutigineqarpoq. Neqeroorut akeqanngilaq kiisalu Tusaannga aqqutigalugu innersuussisoqartarluni, ilanngussaq 1 takuuk.

4. Naalackersuisut saaffiginnissamaarpat Spiralilersuisarsimaneq pillugit naalagaaffimmut?

Aap. Ilisimatitissutigisinnaavara peqqissutsimut ministeri Magnus Heunicke suliaq pillugu ulloq 24. maj 2022 ataatsimeeqatigisimagakku. Ataatsimiinnermi oqaatigineqarput spiralilersuineri susoqarsimaneersoq tamannalu akuerineqarsinnaanngitsoq. Sulineri tullinnguuttumi attaveqarluartarnissaq isumaqatigiissutigineqarpoq.

Med venlig hilsen
Inussiarnersumik inuulluaqqusillunga


Mimi Karlsen

1965-miit 1975-imut arnat spiralilersortissimasut aamma allatigut naartunaveersaaserneqarsimasut – arnat pinngitsaalillugit spiralilertsissimasut.

Nuna tamakkerlugu spiralilersuinissamik paasititsiniaanikuunermut eqqugaasut tassaapput arnat, namminneq akuersissummik tunniusseqqaaratik imaluunniit angajoqqaavi atsiortillugit akuersiteqqaarnagit, pinngitsaalillugit spiralilersorneqarsimasut aamma allatut iliorluni naartunaveersaartitsilluni iliuuseqarfigineqarsimasut.

“Arnat spiralilersuinialuni paasititsiniaanikuunerup kingunerisaanik katsorsartinneqarnissaminnik pisariaqartitsisut akeqanngitsumik ikiorneqarnissaannik neqerooruteqarsinnaanngornerput nuannaarutigaarput”.
Taama oqarpoq Meeqqanut, Inuusuttunut, Ilaqutariinnut Peqqissutsimullu Naalakkersuisoq, Mimi Karlsen.

Neqeroorut akeqanngilaq.

Attaveqarfissat:

Innuttaasut katsorsarneqarnissamut innersuunneqarniarlugit Tusaanngamut attaveqarsinnaapput.

Oqarasuaat 80 11 80 ammasarpoq:
Ataasinngorneq - sisamanngorneq 9:00 – 00:00
Tallimanngorneq 09:00 – 04:00
Arfininngorneq 09:00 – 04:00
Sapaatit 09:00 – 00:00

Tassanilu Tusaanngami oqarasuaatikkut akisussaasut piareersimasarput. Tassani tarnit tarnip pissusaanik immikkut ilisimasalimmit katsorsarneqarnissamut innersuussisoqarsinnaavoq.

Eqqugaasut qanoq katsorsarneqarnissaannik paasissutissat:

Inuit ataasiakkaat qanoq inneri aallaavigalugit katsorsaasoqassammat innuttaasut ataasiakkaat pisariaqartitaannut naapertuuttumik katsorsaaneq sivisussuseqassaaq. Tarnip pissusianik immikkut ilisimasalik imaluunniit psykoterapeuteq katsorsaasartoq katsorsaassaaq.

ILANNGUSSAQ 1

Periarfissaqartillugu Skype/Teams oqarasuaatilluunniit aqutugalugit katsorsaaneq ingerlanneqassaaq. Summiiffinni ataasiakkaani ornigulluni oqaloqateqartoqarsinnaavoq

Internetimut/ oqarasuaammut angallattakkamut aningaasartuutit tunngaviusumik atuisup nammineq akilissavai.

Innersuussinissamut tunngaviit, piumasaqaatit, sinaakkutit peqataajunnaarsitsinissamullu peqqutigineqartartut

Nuna tamakkerlugu spiralilersuinissamik paasititsiniaanermut neqeroorummut eqqugaasimasunut atuuppoq. Katsorsaaneq innuttaasup nammineq peqataanissaminut kajumissuseqarneranik tunngaveqassaaq.

Innersuussinissamut tunngavigineqartut:

- Inuit annertuumik pinngitsuuisinnaajunnaarsimasut katsorsartissinnaanngillat
- Inuit akuersitinneqaqqaaratik piffissami 1965-1975-ip iluani spiralilersereerneramik kingorna tarnimikkut timikkullu kingunerluutillit katsorsartikkusuttut aamma/imaluunniit spiralilersuinermit tusagassiuutitigut saqqummiunneqarnerata kingorna nalaataqarnerlututut misigisimasut.

Piumasaqaatit:

- 1960-ikkunni aamma 1970-ikkunni spiralilersuinermit allatullu naartunaveersaateqartinnissaannik pinngitsaalisallutik eqqugaasut

Peqataajunnaarsitsinissamut peqqutaasartussat:

Katsorsartittut katsorsartinnissamit neqeroorummit peqataasinnaajunnaarsinneqarsinnaapput ima iliorunik:

- Ataannartumik marloriarluni oqaloqateqarnissamut takkutinngitsoorpat.

"Pereersut ajoraluartumik allanngortissinnaanngilavut. Kisianni arnat spiralilersuinermit eqqunngitsuliorfigineqarsimasut inuunerminni aqquusaagaqarnikuunerminni anniaatitik aliasuutitillu qaangerniarnissaannut ikiorsinnaavagut. Tamanna uannut pingaaruteqartorujussuuvoq. Neriuppunga nunatsinni ilinniagalinnit neqeroorut suliarineqartoq tigulluarneqarumaartoq" Naalakkersuisoq Mimi Karlsen naggasiivoq. s